



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 52. Evcharistia Pœnitentia.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

digenis agros suos excolendos commit-  
 terent, ut a Decimis pendendis libera-  
 rentur. Hanc ergo fraudem Concilium  
 damnat. Illud quoque statuitur, ut De-  
 cimæ ante omnes alios census & pen-  
 siones percipiantur, tanquam divini &  
 universalis Domini in res omnes argu-  
 mentum. Confirmatur Constitutio Mo-  
 nachorum Cisterciensium, qua, non ob-  
 stantibus eorum privilegiis, decimas a-  
 grorum, antea huic oneri subjectorum,  
 quos in posterum acquirerent, dare ju-  
 bentur. Atque Concilium hanc regu-  
 lam ad omnes alios viros Regulares, si-  
 milibus privilegiis gaudentes, extendit.  
 Præter alios errores, dicebant Walden-  
 ses, non esse dandas Decimas.

Sæcul. XIII.  
 A. C. 1215.  
 c. 33.  
 In aliquib.  
 32. de decim.  
 c. 54. Cum  
 non sit. 33.  
 eod. c. 55.  
 nuper. 34.  
 eod.  
 Reiner. c. 5.

§. LII.

*Eucharistia. Pœnitentia.*

De Sacramentis Concilium statuit in  
 hunc modum: Omnis utriusque  
 sexus Fidelis, postquam ad annos  
 discretionis pervenerit, solus proprio  
 Sacerdoti omnia peccata sua fideliter  
 confiteatur, saltem semel in anno, & in-  
 junctam pœnitentiam adimpleat. Qui-  
 libet etiam saltem ad Paschale tempus  
 Eucharistiæ Sacramentum suscipiat, nisi  
 forte de consilio proprii Sacerdotis, non  
 sine causa, ad tempus ab ejus perceptio-  
 ne duxerit abstinendum; alioquin & vi-

c. 21.  
 Omnis 12.  
 de pœnit.

Sæcul. XIII.

A C. 1215.

vens ab ingressu Ecclesiæ arceatur, & moriens Christiana sepultura careat. Si quis vero alieno Sacerdoti sua peccata confiteri voluerit, licentiam prius obtineat a proprio, cum alter ipsum non possit solvere vel ligare. Canonem isto antiquiorem novi nullum, quo Confessio Sacramentalis statuto universalis præcepta fuerit, sed illa Ecclesiæ ætate eam præscribendi causa errores Albigen- sium & Waldensium de Sacramento Penitentia extiterunt.

*Ermegard.*

c. 14.

Albigenses, se remissionem peccatorum sine Confessione & satisfactione, sola adhibita Cæremonia, quam *Solamen* appellabant, recipere putabant. Erat vero hic Ritus, manuum impositio, quam peragebat aliquis illorum, quos ipsi præpositos, Episcopos aut Diaconos, atque communi quodam nomine ordinatos, dicebant. Is, lotis primum manibus, & libro Evangeliorum singulorum capituli imposito, septies *Pater noster*, tumque initium Evangelii S. Joannis recitabat.

*Rainer. c. 5.*

Ipsi hoc Solamen necessarium ad salutem credebant, ac ad delenda omnia peccata sufficiens, nullius autem roboris, si ipse manus imponens peccato illigatus fuisset. Waldenses quoque affirmabant, præstare peccata sua confiteri bono Laico, quam malo Sacerdoti, quod

quod iste nequitiam potestatem absol- Sæcul XIII.  
vendi, ille vero haberet. Præterea di- A C. 1215.  
cebant, se per impositionem manuum  
peccata remittere & Spiritum Sanctum  
dare. Ceterum Clerici omnes huic ge-  
neri Hæreticorum contemtissimi erant.

Sacerdos proprius, de quo in hoc Ca-  
none mentio fit, ille ipse sine dubio est, Conc. Paris.  
de quo Concilium Parisiense, ante annos c. 12. an. 1212  
tres celebratum, loquitur, videlicet Pa- v. Math.  
rochus, Alienus autem, alterius Ecclesiæ Paris. c. 12.  
Parochus aut quicumque alius Sacerdos an. 1212.  
dicitur. Si viros Regulares Mendican-  
tes spectemus, vix tunc in lucem pro-  
dierant, eorumque Regulæ necdum pu-  
blice erant approbatæ. Tum profequi-  
tur Concilium: Sacerdos sit discretus  
& cautus, cum pœnitentiam administrat.  
Diligenter inquiret in peccatoris & pec-  
cati circumstantias, unde intelligat, quid  
consilii pœnitenti suggerere, & cujus-  
modi remedium malo adhibere debeat.  
Caveat autem omnino, ne verbo vel si-  
gno vel alio quovis modo prodatur ali-  
quatenus peccatorem, sed si ipse pru-  
dentioris consilio indigeat, caute & sine  
ullo personæ indicio id requirat; quo-  
niam qui peccatum, in pœnitentia judi-  
cio sibi detectum, revelare præsumse-  
rit, non solum a Sacerdotali officio de-  
ponatur, sed etiam ad agendam perpe-  
tuam

Sæcul. XIII. tuam pœnitentiam in arctum monasterium detrudatur.  
 A.C. 1215.

*De consec.  
 ast. 2. et si 10.  
 4. sent. dist.  
 12.*

c. 5.

*Sous le nom.  
 de Pie. de  
 Blois serm.  
 16. edit. Bu  
 séc 1600.  
 freq. com.  
 p. 465.*

De præcepto Communionis Paschalis, Regula, a Gratiano & Magistro sententiarum relata, statuebat, ut Laici saltem ter in anno communicarent, nisi magnis criminibus impedirentur, videlicet in Paschate, in Pentecoste, & in Natali Domini nostri. Quæ Regula expromta erat ex quodam falso Decreto Fabiani Papæ, seu potius ex Concilio Turonensi, regnante Carolo Magno, anno octingentesimo decimo tertio, celebrato. Verum more per teporem & algorem Christianorum introducto, plerique non amplius nisi ad Festa Paschalia Sacram Communionem petebant. Id nobis quidam illius ævi Scriptor, sive Petrus Comestor, sive Petrus Blesensis insit, testatum facit. Itaque Concilium Lateranense, edito hoc Canone, nihil aliud egit, quam quod se mori, antea in Ecclesia tolerato, accommodaverit. Necessario autem Christiani ad recipiendam Eucharistiam obligandi erant, ut discernentur ab Albigensibus & Waldensibus, hoc Sacramentum spernentibus. Illud vero hic notabis Lector, Communionis quidem annuæ, sed non Confessionis tempus esse determinatum. Idem Petrus Comestor, peccatorum confessionem

tionem ineunte Quadragesima peragen-  
dam fuisse, literis tradidit (\*).

Sæcul. XIII.  
A. C. 1215.

Concilium præterea præcipit, ut in  
omnibus Ecclesiis sacrum Chrisma &  
Eucharistia in arcula clausa, cujus cla-  
vem

c. 20.  
Statuimus I.  
de custod.  
Eucha.

Cc 4

(\*) Ad hoc Concilium Caveus, Scriptor  
Anglus, præter alia dicit: *Innocentius anno  
millesimo ducentesimo decimo quinto celebravit  
Generale Concilium Lateranense, in quo mon-  
struosum Transubstantiationis figmentum inter Fi-  
dei Articulos reposuit, & Principes quoscunque  
Christianos Hæresi vitiatos, vel Ecclesiæ Roma-  
næ immorigeros dignitate sua deponendos esse  
decrevit.* Sed utrumque Caveus perperam af-  
firmat. Nam de Eucharistiæ Sacramento nihil  
aliud statuitur, quam Christianis, gravi pecca-  
to non impeditis, circa tempus Paschale singu-  
lis annis ad Sacram Communionem acceden-  
dum esse. Nec opus fuit, tunc primum Trans-  
substantiationem & realem Christi præsentiam  
articulis Fidei inferere, utpote Doctrinam ex  
Sacra Scriptura probatam & primitivæ Eccle-  
siæ fide stabilitam. Verba autem: *Monstruosum  
Transubstantiationis figmentum*, sunt hominis  
Calvinistæ, Charitatem Christi & Omnipoten-  
tiam Dei in Mysterio Eucharistiæ secundum  
angustos cerebelli proprii limites metientis.

Illud quoque falsum, quod dicat Innocen-  
tium Papam Principes quoscunque Christianos  
Hæreticos vel Ecclesiæ Romanæ immorigeros  
Digni-

Sæcul. XIII. A.C. 1215. *e. 22. Cum infirm. 13. de pœn.* vem solus Presbyter teneat, custodiat, ne iis aliquis ad maleficia abuti possit. Medicis etiam præcipitur, nisi ab ingressu Ecclesiæ excludi velint, ut, antequam remedium contra morbum corporis adhibeant, ægrotantes moneant, Sacerdotem Confessarium vocandum esse.

§. LIII.

*Matrimonium.*

Cum Concilium perpendisset, multa nasci incommoda ex angustia limitum, quos Ecclesia Christianis tum consanguineis tum affinibus, matrimonium in iuris, posuisset, utrumque impedimentum restrinxit. Consanguinitas usque ad septimum gradum extendebatur, statuitque Concilium, ut ultra quartum non amplius esset matrimonii impedimentum. Tria genera propinquitatis seu affinitatis, eodem gradus complectentia, matrimonio obstabant; & primum genus impedimenti erat inter maritum, & propinquos uxoris ejus ac

Dignitate sua deponendos esse decreverit, qui solummodo de Comite Tolosano & Comite Foxiensi sermo est, de quibus Decretis prædenter notat Fleurius, non solius Pape iussu sed accedente Regum Principumque sæcularium consensu edita fuisse.